

水

經

釋

義

壹卷

上下兩卷

信



御覽

呈

乾隆丙申夏進

小

學

攷

證



悉遵
昭
教
堂
本

小學考證序

雍正乙卯科

臣

舉順天鄉

試將與計偕先大

夫止之命習小學書于王母之側且誨之曰

小子能安于灑掃應對進退之節克盡愛親

敬長之道始可以筮仕否則甯可家食終身

當是時

臣

方專攻舉業銳意進取雖勉強口

誦而未能心維殊覺格格不相入也然承庭

訓日嚴授以諸儒註解及凡有關小學名目

者莫不講明切究期于不疑所行久而始知

小學

考證序

一

其要不敢稍有愆忘乾隆壬申禮闈落第揀

選知縣引

見垂詢先世因加

特恩擢授部曹既而外用監司洊歷方伯

臣

皆奉

小學書為準繩用以行己臨政幸而寡過內

列卿班迴憶四十年來考證多端由博返約

曷敢忘其所自與因同義疏或問後編付梓

與儒林共質之

大理寺卿稽察覺羅學

臣

尹嘉銓謹識



小學考證

尹嘉銓述

小學書圖

宋板有小學書圖。彙括纂要二卷。前無序文。或以爲朱子所作。其實非也。觀其首刻朱子真像。及小學淵源道學統宗。自朱子以至余大雅。次刻文公行狀。結云。後贈太師。封徽國公。謚曰文。乃理宗時追美。可知出自後人手筆。查卷下第九頁。有臨海潘時舉。仲善父跋語。昔在嘉定癸酉季秋。意卽小學考證說

考證說

一

其人。增益成書也。

篇首列小學之源流。入學之次第。性道教之目。人心性情之分。性品氣品之別。四端性情之體。克己四勿之箴。是系也。非圖也。然學者可以參觀而有得焉。

圖凡七十有三。其中可以感發人心者。二十有奇。如弟子受業。負劔辟咤。冠禮三加。昏禮親迎。子事父母。婦事舅姑。問寢。嘗藥。侍射約矢。侍投擁矢。童子服用。舞勺。舞象。君

子佩玉諸圖是也。若夫禮器八音六書九數大射鄉射之圖止陳其度數。尙未見致用之方。鳴和鸞舞交衢。逐水曲。過君表。逐禽左。五圖則曲盡形容焉。至于鄉遂五學深衣諸圖。古今異宜。抑亦可以己矣。

小學五書

宋時有漳州教授張時舉輯得小學五書。蓋取管子弟子職。班氏女誡。呂和叔鄉約。鄉儀。司馬溫公居家雜儀彙集成編。其意固

小學

考證

二

爲學者立教。然朱子於小學內外篇既將五書盡提其要。擇焉而精矣。蒙士卽未覽其全。亦可無憾也。

小學紺珠

宋故內翰尙書保甯王應麟著有小學紺珠十卷。類分十八。曰天道。曰律歷。曰地理。曰人倫。曰性理。曰人事。曰藝文。曰歷代。曰聖賢。曰名臣。曰名士。曰氏族。曰職官。曰治道。曰制度。曰器用。曰動植。曰儆戒。諸凡典故。

皆舉其名目。便于多學而識。且謂小學立
教六年。教之數與方名。九年教之數日。三
十而博學無方。固宜無所不知也。凡入小
學者。皆當先讀。似已然。然弟子之職。以孝弟
爲先。學文爲後。存以備旻可也。大德年間。
紫陽方回。陵陽牟應龍。爲之序。

小學史斷

宋時南宮仲靖。著有小學史斷二卷。上自三
皇。下迄五代。撮其大要。加以評論。序者謂

小學

考證說

三

其能紹朱子綱目。因爲溢美之詞。然而敘
次簡明。間集致堂管見。悅齋講義之類。綴
成說。如己出。渾然天成。誠便于童蒙之記
誦矣。實與小學義法無涉。

明時晏彥文。有續史斷。起宋訖元。亦可爲繼。
五倫書

前明正統十二年。刻有五倫書六十二卷。各
倫前纂嘉言。後列善行。似倣小學外篇之
例而成書。其實非爲童蒙設教也。首列君

道嘉言二卷善行二十卷其目四十有八
自敬天法祖建儲睦親以及命官命將恤
刑逮下凡制治之大典無所不備皆爲人
君言之也經筵用爲啟沃之資則可豈所
論于鄉學哉臣道嘉言壹卷善行二十九
卷其目四十有三輔德經國典禮考課諸
法猶簡而奉使將畧最詳其殆以禦邊爲
重與父道子道分爲五卷與小學之專明
臣子大義者不同夫婦兄弟朋友嘉言善
行各成壹卷而以師生終焉序文所謂以
綱常爲治是也

小學集註

克菴陳氏集註六卷頒自前明正德年間士
林傳誦久矣觀其箋釋周詳誠爲小學開
山之功臣然徵引雖多大抵沿襲他經之
解而本義莫彰櫛比字句之間而條理鮮
貫朱子所以立言之意仍塵封于詁訓之
中學者未由得其指歸猶有待于述者之

小學

考證

四

明坊本具在。可考而知也。

省菴蒙訓

省菴林氏著有蒙訓壹篇。講解灑掃應對進退之節。禮樂射御書數之文。極其詳盡。可作小學啟蒙。而感懷于古今之際。有不能盡同者。有不必盡同者。酌復禮樂。扶樹道。教無非爲化民成俗計。則通儒之論也。

虛齋蒙引

虛齋蔡氏所著蒙引。于小學各卷小序。皆有

小學

考證

五

默契。謂立教引中庸之言。直接孔門道脈。明倫稽聖經。訂賢傳。見得古人所言。莫非欲人明倫以成教。俾知傳述有自。而非創論。洵可以提醒人之本心。而勿失也。

小學統疏

統疏六卷。多所發明。而開章卽見大意。謂立教小序。不曰天命。而曰天明。言性得于天。而虛靈不昧。明者。原其所自有也。不曰聖道。而曰聖法。言六德六行六藝。皆有法之

可守。遵者。示以不容外也。此聖賢立教。所以繼天立極。傳萬古之道脈也。與。

小學衍義

衍義六卷。率皆順文敷衍。並非若真西山之大學衍義。別分條目。不必震于其名也。

小學稽業

剛主李氏纂有小學稽業五卷。首將小學物事。撰爲四字韻語。自八歲入學。訖于十四。舉凡入孝出弟。謹信親眾之行。灑掃應對。進退之節。書計歌舞之法。莫不提要鉤元。以便幼童讀而習之。至於禮樂射御之大者。則以俟之他年。可謂循循善誘矣。

小學

考證說

六

卷二。自內則子能食食。教以右手始。六年。教之數與方名。壹二以至萬億。五方以及四隅。皆陳其畧。八歲出就外舍。學小藝。履小節。以至十四。則引大戴禮保傅篇爲徵。由是教之數日。則備陳歲月日時干支相配之全學幼儀。則備引禮記論語管子温

公諸書之言。而以恕谷學教十七則。附之卷三。學書。辨明六書之義。節錄經世實用編篆法歌。歷指千文訛字。而以書法百例歌。把筆法。永字八法。終焉。

卷四。學計。首舉九九數。次詳乘法。因法。歸法。除法。皆有歌訣。而定位尤爲指要。末載九章算法。惟登方田大畧。有飛歸見畝歌。有建標方田法。然未若海剛峯之令民以灰畫地而數其眼。使人皆可曉然。用棕網爲尤捷。其法以棕繩結網。每五尺爲壹眼。二十四眼爲壹分。二百四十眼爲壹畝。鋪地算之。雖尖斜畸零。莫不了然也。

卷五。學樂。歷引舜典孔傳之言。而以孟子今樂猶古樂。爲深明樂理之論。有六律正五音圖。有時用南曲七調譜。有正宮黃鐘調曲。有毛西河答問笙詩書。足見實際。○誦詩。載勺壹章。乃倣樂記上如抗。下如墜。曲如折。止如橐木。倨中矩。句中鉤。纍纍乎

小學

考證說

七

端如貫珠之言。及唐樂笛子譜。明陳白沙
王陽明歌詩法。而撰之。歌用宮調。五聲七
聲。節奏甚協。若甯府所纂宮調曲。似不必
存。○舞勺。有文舞容凡九。本文廟禮樂志
及甘壹史舞容而訂之。有武舞容凡十五
本楊椒山志樂及技擊法而爲之。後列勺
詩。前解武舞。後解文舞。諸法詳明。小學誠
可肄業藝成而下矣。

小學分節

小學

考證

八

熊徵高氏分節六卷。卽因陳註而增釋之。讀
者可以參觀。

小學發明

虹玉施氏發明六卷。參考眾說而撮其大指。
條達盡致。每勉人以精思力行。可發猛省。
其言教字偏旁從孝。學者中央從孝。爲師
者以孝爲教。爲弟子者以孝爲學。教學之
能事畢矣。又謂徐行後長。是孟子教人爲
堯舜的要訣。至簡而易從。卻至細而易失。

觀小學明長幼之序。首二章以敬兄之道發其端。其次十八章自父執以及先生長者君子尊客。莫不修應對進退之節。與夫侍坐侍飲侍食侍射侍投之禮。凡諸宗族鄉國。無往而不興讓。是何等景象。于此見人人親其親。長其長。而天下平。信不誣也。

小學名解

庸承陸氏與荀彩謝氏鴻舉沈氏同輯小學名解六卷。遍搜羣說。具載異同。有存參。有

小學

考證說

九

附考。其語詳。其旨備。可謂學博而力勤矣。顧其用心所在。皆爲應試作論計耳。有味哉。仇滄柱先生申言之也。序云。朱子作小學。專以返躬實踐爲務。初非拘牽于字句。誇炫乎見聞。倘習此書者。徒紛紛然辨析異同。作文字觀。則失考亭之初意矣。

小學纂註

紫超高氏纂註六卷。本陳恭愍之集註。而正其得失。節其繁冗。次第章法。脈絡貫通。俾

學者讀之。皆曉然于朱子輯書之大指。其有裨于後學。良非淺鮮。間出其所獨得。如周禮知仁聖義忠和。易忠爲中之類。足以正經文之誤。決千古之疑。允爲淑世善本。先大夫督學江蘇時。重訂付梓。頒行庠序。坊間因而翻刻。有大板。有袖珍。三十年來。其傳益廣矣。

續小學

潛夫葉氏著有續小學六卷。悉遵朱子內外

小學

考證

十

篇目。其意甚善。其例則非。昔朱子述經傳之聖言懿行。爲內篇四卷。曰立教。曰明倫。曰敬身。曰稽古。溯古道所由來也。紀漢唐至宋之嘉言善行。爲外篇二卷。仍本立教明倫敬身之義。而廣之實之。見今人不相遠也。原爲萬世開太平。欲學者繼序于無窮也。則淳熙丁未以後。宜續外篇。以迄于今。庶得守先待後之意。葉氏乃取宋明諸儒語類。輯爲內篇。顯與朱子義法不合。豈

其未知內篇所載皆出于經傳耶。何不思之甚也。且此書刻于康熙辛未。截至明季而止。宜今之謂何。亦自亂其例矣。

續小學題辭。真成贅言。多見其不知量也。

續小學句讀瑣屑已甚。更爲畫蛇添足。

續立教凡十八章。首引橫渠訂頑砭愚二銘。誤甚。昔朱子嘗言修身大法。小學書備矣。義理精微。近思錄詳之。當日旣以東銘西銘入近思錄。而不入小學書。可知教人有小學。不容紊矣。

小學

考證

說

十一

伊川灑掃應對。必有所以然二條。雖切于小學之教。究與經傳有別。不應載入內篇。且周張二程。皆淳熙以前之人。朱子原書。旣加採擇。不宜重出。

陸子靜在白鹿洞講義利之旨。雖其懇到明白。爲朱子所深予。然當日旣不採入廣立教篇。則知陸學之不同道久矣。何可夾雜。文宋瑞西澗書院講義。千言有餘。累牘不盡。

與朱子刪繁就簡之例不符。

王陽明六經各尊之說。與朱子教法殊塗。難以強合。

羅整菴太極示人之說。殊非立教之指。試觀小學全書。皆本倫常身心以垂訓。何曾說及太極耶。

高景逸示諸友讀書法。似于立教爲宜。然長章至七百餘言。亦當刪節。

續明父子之親。凡六章。首引伊川論家人之小學

考證

三

道亦失其序。明倫以孝爲先。齊家當次之。顏壯其迪吉錄。所陳習成小不孝大不孝之目。各有四條。誠爲痛切。然小學原編。無此透語。以俗情惡狀。不必委曲形容。使人記誦。且長章至壹千四百五十字。何以令童蒙卒讀耶。

續明君臣之義。凡七章。首引宋神宗與曾鞏論王安石之爲人。殊無關係。又加潛夫小註。極辨介甫非子雲之倫。亞尤屬無謂。

陸秀夫負帝死宋景濂無毀言可入實明倫
引入內篇則厯雜無章矣

續明夫婦之別凡四章首引伊川釋歸妹爻
辭似合內篇窮經之旨至汪偉與妻死甲
申之難吳次魯娶病妾而得子則應入外
篇實明倫也

續明長幼之序凡五章首引劉元承二則先
言伯叔父次及事兄盡禮似有次序其實
非也至李謙菴述鄒南皋忠厚之教則當

小學

考證

三

入外篇嘉言

續明朋友之交凡六章首引張浚試吏興元
及呂與叔論講習滋益之處亦清熙前言
不可入編

續明倫通論五章引朱子論五倫道理只就
近處行到熟處極好至于王濟之四箴亦
佳但少君臣箴何也豈其因劉瑾擅權有
所忌耶餘則不合義例

敬身續明心術之要凡十章刪卻濂溪明道

與叔三章而以朱子持敬之說開章。方合。後有陳白沙戒懶文似覺太粗。與心術有間。

續明威儀之則。凡七章。前四章俱消熙前言。後二章應入善行。惟引朱子之言持養。是也。

續明衣服之制。凡四章。首引伊川時服之說。未合。明太祖定巾服以下三章。亦未合。宜觀朱子原書並不載緇布冠深衣之制。則

小學

考證

說

齒

知生今不可以反古矣。

續明飲食之節。凡五章。惟引童子禮得之。

續敬身通論。凡五章。未見該槩旁通。

稽古續立教。凡十章。首引邵堯夫師事李之

才。次引二程受學于濂溪。愿中往學于仲

素。殊失由家及國之序。他如陸象山得宇

宙之解。魏忠節訓性靈之文。皆不宜入編。

稽古續明倫。凡十五章。首引伊川立適子之

事。未見生事之禮。何以明父子之親。次引

文忠烈論忠孝之名可憫。托諸空言耳。顏壯其論父母之待孝者四樣。吳氏家訓論孝思之姑待者貽悔。呂原明論同姓之相見不可序齒。王中書論兄弟之逆來只可順受。均非稽古以實之之例也。

稽古續敬身凡八章。惟第六章所引胡叔心敬齋身範得之餘皆未合。

稽古續通論凡二章。惟吳氏家訓亦可宗也。嘉言續廣立教凡二十九章。首引畢仲游與

小學

考證

五

蘇子瞻書。安得謂之立教。以下七章皆淳熙前言不必論矣。自朱子聞過則喜。壹章起庶幾近之。然吳幼清夜讀書。宋仲敏承家教。湛元明開講院。王近谿具冠服。皆是善行。誤入此間。殊屬不類。至于劉宗周上奏東林始末。爲熊廷弼解難。亦非廣立教之道也。

續廣明倫凡二十六章。首十三章。廣父子之親。自時紫芝問孝。至朱公挾論廟。皆淳熙

前言。毋庸再議。若沐英之見愛于中宮。棟塘之推重于湖郡。與事父之道何涉。至于邵士廉之哭母。呂仲木之敦倫。馮行可之請代父死。高處士之歲時壽母。又皆善行也。編入嘉言。不亦舛乎。次三章。廣君臣之義。朱子之爲提刑入奏。陶安之在翰林對揚。亦屬善行。宣宗擬倚蘭操。招隱詩。欲盡君道也。豈朱子教忠之意哉。次三章。廣夫婦之別。伊川之論再娶。尙已。楊忠愍之妻

小學

考證說

夫

張氏請代夫命。董湄之妻虞氏敬事夫像。宜入善行無疑。次三章。廣長幼之序。朱善講周易。鄭氏論卑幼。旣未切兄弟以立言。陳世恩之化誨季弟。又善行也。次二章。廣朋友之交。乃引朱子論當官之事。豈以答范宗伯書。遂爲交道耶。末二章。通廣五倫之義。可以無譏焉。

續廣敬身。凡十二章。首三章。廣心術之要。惟王文成以傲字戒人得之。次壹章。廣威儀。

之則。劉元承乃清熙前言也。次二章。廣衣服之制。暢潛道及卓敬之說。均未切當。次三章。廣飲食之節。軒都憲之爲按察。蔬食朱公垂之爲巡按。清操海忠介之爲縣令。自贍皆當入善行。後三章。通論爲學之道。其殆庶乎。

善行續實立教凡十九章。首引明道定性書。次引元城夢卜解。繼以彥明之請喻敬字。伊川之先培根本。謝顯道之論陰陽消長。

小學

考證說

七

朱子之論異端蠱起。羅近溪之論怪不得。有過李謙菴之論用燭光明暗。皆入嘉言爲宜。列于善行。殊不可解。若夫董蘿石之老而得師。瞿師道之貴而忘勢。舒國裳之表章周禮。歸季思之屏跡陶菴。以實立教。則可矣。

續實明倫。凡二十二章。首七章。實父子之親。而引劉元承之問感格。尹和靖之說孝弟。張乖崖之詰鼯睡。異矣。下引孫惟中之廬

墓。洪士高之侍疾。楊克彰之悅母。何宗道之備煥可也。次四章。實君臣之義。太皇太后之問蘇軾。宣仁太后之召純仁。皆嘉言也。若呂原之敬慎。海瑞之剛直。斯爲善行矣。次二章。實夫婦之別。郭公以善日者言。而委禽致富。不足爲法。胡夫人之相朱大臺。爲鐵簪布裙。以防奢。洵主中饋之善則也。次二章。實長幼之序。則黃彥清美。兩兒之讓棗也。王龍溪事其兄之心疾也。次四

小學

考證

末

章。實朋友之交。皆與善行未符。後三章。通實五倫之義。引文士表語太詳。引浦江鄭事太畧。引張孝基娶富人女事太偏。於通義。蓋難言之。

續實敬身。凡十八章。首八章。實心術之要。前列論學論事論容人之言三則。何居。王魯齋之居敬。近是許魯齋之買僕。抑末也。劉子高之務寬厚。王文進之持清介。能見大意。至敘文徵明篤行事。則欠別裁。次二章。

實威儀之則皆是嘉言。胡爲援引。次三章實衣服之制。首引文。宋瑞深衣論。累累至六百餘言。君子以爲慎矣。英宗之論衣服。隨宜。固見示儉之意。未若劉念臺之服紫花布衣。卽有從而效之者。故維風不在多言。所貴躬行耳。末五章實飲食之節。洪武卻貢參。止進米。誠爲仁君善政。然入小學書。則非朱子訓蒙之意。若夫羅彛正之瓶粟告罄。于忠肅之食無重味。張莊簡之崇簡白客。周襄敏之旣貴居約。則小大可以共由。馴至善世而不伐矣。然則此書瑕瑜相參。雖不足以繼朱子之後。亦未嘗無補于風化。其續幼儀三十條。附于立教之末。尤可爲訓蒙良規。已採入後編續嘉言篇中

小學

考證說

七

右皆於嘉銓已見之書。考證其義。而未見者尙多。聞諸翁太史方綱云。宋以前藝文志。統爲小學類。而不另標小學之書。至明史志中。乃專列小學書于前。而

以書數各種附焉。焦竑國史經籍志則目曰近世蒙書。竑之言曰。古者八歲入小學。習六甲四方。與書數之藝。成童而授之經。迨其大成也。知類通達。靡所不晰。而小學始基之矣。爾雅津涉九流標正名物。于是有訓故之學。有說文偏旁之學。有音韻之學。有算數之學。古學久廢。儒者采拾經籍格言。作爲小學以補亡。昔人所歎謂數可陳而義難知也。今

小學

考證

三

人所患。在義可知而數難陳也。竑之此言。可謂該小學之上下原委者矣。今就宋以來。關涉朱子小學之義法者。畧陳其目。以備參考。宋王應麟著有蒙訓四十四卷。小學諷詠四卷。程愈著有小學集說六卷。程端蒙著有小學字訓壹卷。又有諸家小學總錄二卷。元李成己著有小學纂疏四卷。熊大年著有養正羣書壹卷。明黃裳著有小學訓解十卷。何

士信著有小學集成十卷。圖說壹卷。吳
訥著有小學集解十卷。劉實著有小學
集注六卷。王雲鳳著有小學章句四卷。
湛若水著有古今小學六卷。鍾芳著有
小學廣義壹卷。黃佐著有小學古訓壹
卷。王崇獻著有小學撮要六卷。是在博
雅君子。詳加甄錄。以成大觀。而爲後學
指南。斯文在茲。吾道幸甚。

小學

考證說

三

小學考證終

覽御

呈

小

學

釋

文

乾隆丙申夏進

忠遵貽教堂本



小學釋文上

尹嘉銓輯

內篇

立教第壹

列女傳

列女猶言諸女漢劉妲音于身躡音

足偏向採其事以作傳

任也○內則禮記諸母眾妾食食也下音寺

飯唯音委應俞音史應聲音盤也革去毛之

也剛絲蠶之所吐數音揀算數也一二三四

百積百成十千十毫為釐十釐為分十分

之起始于一毫十毫為釐十釐為分十分

為錢十錢為兩十有六兩是為壹斤○度

數之起亦自毫釐十釐至分十分為寸十

寸為尺十尺為丈○量數之起始于一勺

十勺為合十合為升十升為斗十斗為石

方名東西南北是為四正東南西南數音

計曰日十二時子丑寅卯辰巳午未申酉

也丙丁屬火戊己屬土位在中央庚辛屬金

壬癸屬水東南西北分列四方干支相配

為望六十初一為朔十五為望師也書音舒

依類象形而為字備于永字八法側、勒

一努小趨下策人掠人啄人磔入柳子厚

入法頌曰側不貴卧勒嘗患平努過直而

力敗趨當存而勢生策仰收而暗揭掠左

出而鋒輕啄倉皇而疾輦磔趨趙而開撐

○姜立綱把筆法曰先當身正次手直肘

腕用功肩臂力虎口鳳眸計始九九錯

形勢具把欲堅兮掌欲虛計綜減增積分

小學

釋文 立教

二

求合須用因乘起手二位三四迤下盡皆
 乘之適計身馬分用九歸繼身以除無除
 還原撞歸亦需一歸無法二歸乃立二一
 作五逢三歸是記四一一二二四二作五四三
 進十逢四進七五一倍二五二倍四五三
 七二逢四進七五一倍二五二倍四五三
 倍六五四倍八逢五進十五歸此察六一
 下四六二三二六三作五六四六四六五
 八二逢六進十七一一下三二七二下六七三
 四二七四五五七五七一七六八四逢七
 進十七歸斯備八一下二八二下四八三
 下六八四作五八五六二八六七四八七
 八六逢八進十九歸隨下逢九進十凡此
 歸乘定位為急爰及九章方田見畝二四
 歸除四斜裨補粟米貴賤盤量倉窖若斤
 秤法斤兩相較差分物淆先求一差一差
 既定自得各差少廣開方商除見面長闊
 相差縱橫俱現平圓求徑又須求周三稜

立方各帛繪屬音儒袴音廬幼儀幼學事
 有方求屬音儒袴音廬下衣長之禮

肄習也音易簡要言諒篤實有音又樂變樂之

大畧調分七音正以律呂宮及變宮遞商

角徵變徵與羽層激而高每音七音精濁

環繞元聲盡只四乙上尺工凡暨六即古

五聲或起或收或倚或節升歌堂上笙入

堂下間歌合詩樂章為詩教之以誦屬讀

樂合語樂罷詩曰言長言曰承承言之道

中短中鈞上下音酌美武王之詩○肆

曲止纍纍貫珠舞小舞詩章名勺干戚

讓武擊刺坐文則羽籥象美文王射

神夜切張御音使馬冠音貫禮吉凶軍

弓發矢也御音使馬冠音貫禮吉凶軍

者衣著裘皮大夏禹樂文武惇音敦內同

蓄有室娶妻孫同視方猶衡物猶事謀其思

可慮始計其終服從任事官政任朝政姆音茂

女婉音宛婉音晚泉音洗有音有爾音爾紆音紆

帛組音組紉音紉共音共菹音菹醢音醢肉醬音醬筭音筭雞

也○曲禮禮記古記切○學記禮記名塾

音孰門庠音祥術陳氏云契音薛○五品

卽五親義別宵音宵長也自天子聲

倫五教序信也宵音宵長也自天子聲

宮商角徵律黃鍾太簇姑洗蕤賓夷則無

羽五者律射為陽律大呂夾鍾仲呂林

鍾南呂應八音金石絲竹諧音鞋○周禮

鍾為陰律八音匏土革木諧音鞋○周禮

與謂鄉人有備德行藝三事者則鄉大夫

六德於心得知音智謂仁愛聖明義裁中偏

倚也舊本誤作忠高註以為非是考後大

司樂以樂德教國子日中和祗庸孝友又

教民以中和見于大司徒和無乖六行見

於孝善事父母友善於睦音目謂媻音因謂任

以恩恤助貧六藝於事禮邦國之鬼神凶

小學

釋文立教

三

周公所作致大司徒掌邦教三物猶言賓

太平之書大司徒之長官三物猶言賓

與謂鄉人有備德行藝三事者則鄉大夫

六德於心得知音智謂仁愛聖明義裁中偏

倚也舊本誤作忠高註以為非是考後大

司樂以樂德教國子日中和祗庸孝友又

教民以中和見于大司徒和無乖六行見

於孝善事父母友善於睦音目謂媻音因謂任

以恩恤助貧六藝於事禮邦國之鬼神凶

大韶舜樂言其紹堯之業也四大夏禹樂
言其能大堯舜之德也五大濩湯樂言其
寬仁能護生民也六大武射壹白矢言矢
武王樂言其能成武功也射貫侯過見其
鏃白也二參連言前矢與後矢相續而去
也三剡注言羽頭高鏃低而去剡剡然也
四襄尺襄音讓謂臣與君射不與並立退
讓壹尺也五井儀謂四矢貫侯如井字之
容儀御壹鳴和鸞以金鈴節車之行二逐
也過君表謂君止宿險阻之處仰車以其轅
表門也四舞交衢謂御車在交道車旋應
於舞節也五逐禽左謂御車逆書壹象形
驅禽獸使就人君以射之也書謂口字
中用單點為奇有獨尊無對之意月字中
用二畫為偶以不得如日長圓故側而缺
之二會意如人言為信止戈為武中心為
忠如心為恕之類三轉注謂同類相轉如

小學

釋文立教

四

老考等字建首相同而意互相發者也四
處事謂人目為見不見為覓手之所包為
抱手之所共為拱皆直指其事而為字也
五假借謂令長之類壹字兩用也蓋令本
命令以其能令之借為令尹長本長幼以
其實長之借為官長餘可類推六諧聲謂
如某字從某而必參以從某聲者也此數
類壹曰形聲凡六書諸體以此為最要數
壹方田即今方量田畝之法二粟布粟是
米布是錢謂以錢糴米之類三衰分謂分
給廩祿之法四少廣謂倉中積米外面遮
蔽以圓器方器算之而知其多少也五商
功如打土論方便計得合用許多人工之
類六均輸以御遠近之勞與費七盈臆盈
是多臆是少數之顯者可見隱者難見由
顯以推隱也八方程謂逐件除下零細底
截長補短湊得齊整便好算也九勾股橫
為勾直為股斜為弦三者互相求可以御

高深廣糾音九謂遠矣督正也王制禮記樂正樂正之官

四術詩書四教春夏秋冬造音皂弟子連下二

職管子飭音救懈音械孔子子曰弟子俱出

論樂記斯須猶言頃刻子夏孔子弟子

餘做

明倫第二

盥音貫漱音嗽櫛音節紒音徒髻音徒髻音徒髻音徒髻音徒

束髮飾髻者髻音毛子生三月剪胎髮為

冠拂髦謂去其塵綏音蕤纓音纓纓音纓纓音纓纓音纓

小學

釋文立教

五

服韠音畢紳音申搢音晉插音插笏音忽

左右佩用身之兩旁佩音佩佩音佩佩音佩佩音佩

者履音句著音結綦音忌屨音夫姑音夫

母衣音加紳音也佩音之綦音帶衿音小纓音香纓音香

燠音郁苛音痾癢音養抑音億疾音痛搔音騷

而使適音捧槃音盤沃音注總角束髮

容臭音為味爽音將未明音始朝音往朝音往

助具音飲食音饌○簞音徒席音布尊音尊鄉音鄉

向音絀趾音止御音侍者音人縣音懸袞音袞

首欽篋音快篋音快枕以枕藏獨音獨祇音祇故音故

敦牟音對黍音對儀音對皆盛音盛卮音支匜音移餽音餽

餘音餘升音升階音階以堂音堂出入音入揖音揖謂進音進而前音前其

遊音遊藻音藻所謂音所謂進音進則揖音揖之退音退則揚音揚之是也音是

於月切音月噫音噫飽音飽食音食噫音噫帝音帝咳音咳欠音欠張音張口音口

伸音伸踖音踖任音任其足音足倚音倚倦音倦倚音倚睇音睇邪音邪視音視唾音唾吐音吐臥音臥切音切

洩音洩替音替出音出襲音襲重音重衣音衣袒音袒裼音裼露音露臂音臂也音也擻音擻褻音褻褻音褻

音屑音屑見音見下音下同音同唾音唾洩音洩不見音不謂音謂拭音拭垢音垢音苟音苟去音去

也音也湯音湯漬音漬漱音漱輕音輕洗音洗澣音澣重音重洗音洗綻音綻縫音縫解音解也音也衣音衣紉音紉音人音人

小學

釋文 明倫

貫音貫箴音箴與音與鍼音鍼綴音綴音贅音贅聯音聯賤音賤之屬音屬帥音帥循音循也音也是音是

○温音温致音致其暖音暖如音如清音清去音去聲音聲致音致其涼音涼定音定營音營其

而使音使省音省問音問其夜音夜告音告音谷音谷反音反還音還也音也猶音猶見音見○禮音禮

記音記此祭音此義音義篇音篇文音文不音不日音日祭音祭義音義而音而曰音曰禮音禮記音記

質音質怒音怒屬音屬屬音屬一音一貌音貌勝音勝音升音升○主音主當音當此音此與音與室音室西音西

尊音尊者音者所音所食音食饗音饗祭音祭如音如延音延客音客奉音奉槩音槩限音限量音量饌音饌具音具尸音尸象音象

訾音訾毀音毀也音也○禮音禮記音記坊音坊文音文饋音饋自音自此音此獻音獻奉音奉上音上○逆音逆

不音不怠音怠者音者好音好也音也視音視姑音姑也音也○畜音畜性音性也音也假音假借音借佩音佩

線音線之音之類音類佩音佩急音急者音者好音好也音也視音視姑音姑也音也○畜音畜性音性也音也假音假借音借佩音佩

即反賜 ○ 諾 應之 ○ 士相見禮 儀禮篇名

卿大夫與君言之禮 小學作士與卿 一也 遊目

大夫言之禮 蓋下之視上 其禮 禮記 漢

所視差廣 視足 行 視膝 伺其 ○ 禮記 漢

察其所欲 視足 行 視膝 伺其 ○ 禮記 漢

篇復音伏 瘠音劑 色容不盛 有憂 圈同 棧

交復音伏 瘠音劑 色容不盛 有憂 圈同 棧

器也 澤汗之口 澤津之宜 猶善說 音悅

同出 謂出 會子 語此亦內則 篇見論 樂音

忠養 言盡也 ○ 友 高註 友即友于兄弟之敵

相耦 並 ○ 適子 適音的 謂父以及庶子 適

弟宗子 子 宗婦 大宗子 祗敬 徒從人 宗

小學 釋文 明倫 七

同始 族 同高 ○ 曾子曰 禮記 祭鄉 五百家

黨 五百家 州 二千五百 閭 二十五家 孰 同熟 謂純熟

○ 翔 惰 慢 矧 矢 引 切 詈 音利 ○ 貽 遺 果

謂果決 ○ 祭義 禮記 篇名 悽愴 音妻 創 濡 音如

為之 驚動 貌 ○ 祭統 禮記 篇名 ○ 莅 音利

怵惕 音出 剔 ○ 祭統 禮記 篇名 ○ 莅 音利

○ 齊 音齋 下同 齊之 為言 齊也 樂 音效 喜

儻然 儻音愛 還 旋 音愾 音確 致 慤 極 ○

粥 音育 ○ 不假 言必 未成 不造 造也 孔子

謂曾子曰 此章以下 歷引孝經 以見嫡傳也 刑

儀 溢音逸滿而社稷穀神民庶人在位長

法 上即君用天之道因地之利謂依時及

士 謹身謂不作非為節用謂省使儉用

續音俗繼先悖逆也醜謂同兵謂以兵

三 牲牛羊豕四支手足博奕音亦從音縱

戮音六狠丁懇切曾子曰禮記祭陳音

制行伍成裁音災五刑三千按書呂刑

日陳屬千荆屬五百宮屬三百

大辟之屬二百凡三千條

小學 釋文 明倫 八

禮記曰玉藻適往公所君宿前史掌文書笏

者朝君所執思謂己所欲對謂君問己

詞命謂君命己所容觀音其玉聲謂容貌儀

聲 君言命即君辱命擯主國之君所

躔區若切檐赤占切鞠躬曲身闕音域

也 位虛位攝也齊音咨衣屏音丙息鼻息

蹠蹠子六切踏音禮記曰玉藻核

下革切 御食侍食也勸音蓋洗寫傾

謂傾寫于他 畜無故不祭謂祭先代

之○拖待可切引也拖紳○孔子曰孝經
人○拖謂引大帶於上也○孔子曰事君
章將猶奉匡也○王蠋音蜀齊畫邑人按
齊聞蠋賢使請蠋蠋更平聲
拒以此言遂自經死更平聲

右明君臣之義

行媒謂媒氏聘幣日月娶婦之期鬼神謂先祖取娶音

○士婚禮儀禮篇名醮無酬酢也相助也妻謂以助夫

故謂宗事宗廟之事鬯音旭也先妣之嗣謂婦代

夙也早命舅姑音琴宮事閨內之事○禮記郊

牲腍他典反齊謂共牢而食摯音至昏禮

小學釋文明倫九

○取婦之家禮記曾子昏禮不賀禮記

牲篇音昏守寺音氏守椀音暹椀音暹

橫者曰施直者笥音伺亦竹器溲音暹

日揮挂衣者也笥以貯衣者溲音暹

器器重之意斂枕於篋斂御謂接○篋音

箱坐也奠置嘯謂感口○孔子曰此出大

命篇又饋食供饋及日猶言奔音參使人

惡疾棄於天也長子長女○見音現謂才

右明夫婦之別

孩提 二三歲之間 知 父之執 父同志之友

取相愛而攜 ○操 七刀反 几 所以杖扶

○邱陵 土高曰邱 ○提攜 長者攜幼者 負

劍 猶言帶劍謂長者旁 辟 音僻 咥 音二 詔

也掩口 謂以手障口不 ○冀 與拚同 袂 音寐

袖拘 音勾 扱 音吸 斂 ○忤 音昨 摳 音苦 撥

北未切 蹶音厥 行 僂 音慙 錯雜 勦說 勦與

發揚貌 蹶音厥 行 妄言之貌 勦說 勦與

語以爲己說也 雷同 附和人之言也 ○叱 音撰

轉動也 蚤 音早 暮 ○屏 音丙 ○尊 音尊

醕 音醕 ○貳 謂重殺 偶 謂配長者而坐 ○以

嬰 色甲切 頌 音班 老人頭 耆 音老 耆 七十

曰杖者 老人也 六 杖者 杖於鄉

右明長幼之序

偲 音思 詳 ○忠告 音谷 謂盡其 ○挾 兼有

之 ○歡 謂結好 忠 謂盡心 ○寢門 內拾

陟 當作 級 階之 聚足 後足合

右明朋友之交

孔子曰 此下二章 理也 猶齊 ○爭 同諍 力 ○禮

小學 釋文 明倫 十

記檀弓文隱微諫犯犯顏以服勤服行勤勞

○樂共子樂音鸞共音恭晉大夫名成此章出晉國語中族類也○

晏子齊大夫名嬰萊之夷維人此章出春秋昭公二十有六年左傳箴也

○曾子曰此大戴禮所載曾子言親戚謂父兄外謂外人

近即內人遠即外人小謂家大謂國與天下艾五十日艾言髮

蒼白色也○官怠於宦成此章出說苑敬慎篇漢劉向所著亦

引曾子之言小愈病稍減也詩大雅蕩荀子名況趙人後家於楚此章出荀子切磋切以刀

非相篇下章出荀子天論篇切磋以

鑿鑿皆治骨角之真

小學 釋文 明倫 士

敬身第三

丹書黃帝顓頊之書武王踐阼三日訪道於

禮武王師尚父為王陳書此章出大戴踐阼篇敬本心之怠放心之義天理欲人

之○毋不敬正其心也儼若思正其貌也安定辭正其

言私○安民哉正己而敖傲同矜己欲謂飲食

諸玩好從賢者以資學安安謂安其所

是安而處之下安字是理之可安者安則

是之若故遷則隨時而變即主忠信徙義

也○孔子曰此答顏淵非禮己之出門

章此答仲弓○居處恭章此答樊遲恭主

敬事。○言忠信章。此答了張問行也。忠。已盡信實。篤。

敬厚而。○君子所貴乎道者三。是皆修身之要為政

之容貌。舉而言。顏色。以面目而言。辭氣。以聲氣而言。

倍。與背同。謂。○踰節。是僭上。侵侮。是陵下。好狎。

是平。○慝禮。慝音忒。謂巧偽以飾禮者。不留聰明。謂不

耳不接心術。謂不入於念慮。辟。音僻。○管敬仲。敬管仲諡

齊大夫名夷吾。威刑疾。疾病欲流。謂水就下。

右明心術之要

冠義。禮記篇名。噉。音咄。謂高急。倨。音句。傲也。箕。兩足

小學

釋文。明倫。

三

如箕。鬢。音替。髮也。言垂如髮也。褻。音牽。揭也。○奉局。音闕。門闕

木也。入戶之時。兩脚踏迹。席。謂躡他人之席也。○禮

記曰。玉藻。舒遲也。閒雅。齊邀。音齋。速也。重。不輕也。

恭。不掉端。視也。止。不靜。不嘖也。直。不傾。肅。

慢也。德。然有德之氣象。莊。矜持也。○如尸象。

神如齊。神以交。○不道舊故。此少儀原文謂不言舊知之過

失陳本誤作故。拔報。拔同跋。報音赴。母瀆。

神敬鬼神。母循枉。憚改。○恂恂。音荀。信而遠之貌。

便便。旁連反。侃侃。剛直也。闇闇。音銀和悅也。

齊衰音咨下際者不緝則曰斬衰音古瞽音古無音古衰

謂燕式車前橫木有所負版持邦國見玉藻式敬則俯而憑之○禮

記玉藻迅音信○申申其容舒也天天愉也○

肱姑橫切○禮記玉藻徵音止采薺音慈小

篇詩之肆夏周頌時邁篇周還音旋是直

和者肆夏詩之嚴者周還音旋是直

來其回轉處欲折還是直去了復橫去其

其圓如規也○射義禮記進退之節

右明威儀之則

士冠禮儀禮篇名始加用緇布冠元服謂冠祺音其介

小學釋文敬身

助景也大再加用皮辰也申重眉壽老人以

壽徵也胡陳註也三加用爵正猶善黃耆

也音荷黃謂髮白復黃耆凍梨疆音姜猶

也音准猶紺古暗切深青揚緞音鄉絳

練服者飾也領緣紅紫間色不正近褻服

私居也音軫軾音箬葛於婦女之服表而

出之謂先着裏衣表絺綌而○佩君子

記玉藻亦皆佩也羔裘用黑羊皮元黑○禮

右明衣服之制

搏音團飯取飯作搏則易得多是欲爭飽也放飯謂大飯食無節也流

歠昌悅切謂長也咤丑亞切謂以舌作聲齧音孽謂齒噬骨

揚飯謂散其熱氣嫌欲食之急也箸音住音塔音羹謂羹有

之就食絮抽揀切謂羹無味就器調和之刺剔也歠音威猶歠謂詳

濡音如決也乾以手治之啜初怪切謂當噉一食盡懣

炙音隻○小飯而亟之小口而飯備噉噉也亟疾而噉備見

也數音噍在笑○饘傷熱濕也餲於計切飯餲味變也

餲如甚切烹調撤直列切○禮記玉藻故

小學 釋文 敬身 齒

謂祭祀及賓客之禮踐當作剪殺也○豢音患○小腹

大謂心志

右明飲食之節

稽古第四

太任此章出列女傳太尊稱任姓音士摯音至中音仲女謂女

王季文王之父娠音身宗謂始○孟軻之母此

出列女傳孟母賈音古街音炫徙遷俎豆

仇氏有賢德賈音古街音炫徙遷俎豆

禮揖讓進退禮啖音淡○孔子嘗獨立以下

二章俱鯉孔子之子字伯魚孔子年十九見論語鯉娶於宋之亓官氏生伯魚時魯

昭公以鯉魚賜孔子。○周南召南詩首

右立教

虞舜

此節出虞書堯典

頑

心不則德義之經

嚚

音銀口不道忠信之言

烝

也又治也

萬章

孟子弟子

旻

音民仁覆憫下怨慕已

之

不得其親也

胥

相視也

遷

移以艾美好

十

舜攝政時年五十也

揚子

名雄西漢人作法言此出至孝篇

日

無惜此日之易過懼來日之無多而不得久事其親也

○文王之爲

世子

此與下章俱出禮記文王世子篇

內豎

音樹內庭小臣御直

者

不安節謂有疾不能循其起居飲食之常也復膳飲食安

小學

釋文

稽古

五

復初

其憂也

在

察也猶勿

原

再也○武王之爲

說

音脫

○周公

文王之弟武王之弟

達

通也尊親先王之

孫

也

○淮南子

漢淮南王劉安作淮南子此出汎論篇

庶

也

能盡

○曾皙

名點曾子父也

曾元

曾子子亡音無○閔

子騫

孔子弟

○老萊子

此章出高士傳

爛

音頌闌雜色鮮明貌

跌

音迭付

雛

音徂謂鳥雛○樂正

子春

此章出禮記祭義篇樂子春名曾子弟子

切

同跬一

舉

足爲頃步再舉足

道

大徑小路游水○伯

俞

姓韓名俞周人此節出說苑建本篇故曰此節劉○公明

宣此章出說苑反質篇公明姓宣名曾子弟子叱咤叱尺栗切

怒聲也朝廷猶言公署○少連大連善居喪此章出禮記

記雜記篇蓋孔子之言○高子臯孔子弟子名柴此章出禮記檀弓篇

泣血無聲出涕也見齒笑也○顏丁魯人此亦出檀弓篇皇

猶彷彿望望仰思慨悵息待也○詩之篇

○箕子者此三節出史記宋世家箕子放蕩佯詐也王子比干亦紂之父紂也微

子紂庶兄也屬音竹聯續也殷有三仁詳見論語○

武王伐紂此章出史記伯夷叔齊允字公

小學釋文稽古夫

信叔齊名致字公達姓叩馬當馬之兵殺

也墨胎孤竹君之二子也○衛靈公與夫人夜坐此章出列女傳

麟音鄰蘧伯玉衛大夫名瑗路馬君昭昭顯明人所共見

冥冥所不見信音伸聞音暗○趙襄子殺智伯

此章出史記刺客列傳讎音酬七音比塗厠以泥塗墁

壁音瀨頰音啞倚下○王孫賈齊大夫此篇出戰國策門

家閭巷音淖淖音鬧姓也祖右袒露○白

季晉大夫名胥臣此章出春秋冀邑名缺人名

缺乃豆切籒音葉野文公晉君名下軍

耘田也籒音葉野文公晉君名下軍

大夫官名。公父音甫。文伯之母此章出魯國語公父文伯。

名歌魯大夫。闕音委。闕音域。衛共姜者此章出詩序衛國名姜齊姓曰共姜者蓋其母敬姜也闕開也闕門限。

此章出詩序衛國名姜齊姓曰共姜者蓋妻從夫諡而稱之也栢舟詩見鄘風按烈女貞信自矢見諸。

經傳自共姜始。蔡人妻此章出列女傳醮而無酬。

醉。叔齊讓伯夷此事亦出史記伯夷列傳。虞芮此出毛傳虞國名。

之君此出毛傳虞國名。西伯周文王。質正也。

晏平仲即晏子詳前註。

子游孔子弟子。澹臺滅明澹音談澹臺姓滅明名字子羽。

小學釋文稽古。

事如飲射讀。高柴此章出家語前四句見弟子行篇下十四。

句見致啟。而謂開穴。蟄直立切盡。折音寶。寶音豆。

孔有間也頃。南容孔子弟子居南宮名適字子容諡敬叔懿。

子之白圭詩大雅抑之篇曰白圭之玷尚足一日三復此言事見家。

容蓋深有意於謹言也。宿留也。緼音慍。

也象著。貉音鶴。鄭子臧鄭伯之子此章出春秋僖公二十四年左。

傳鶉音聿翠鳥聚鶉冠者。衷音中。詩曹風。

篇其音記。公父音甫。文伯退朝此章出魯國語績緝。

歎音觸。文主主沃肥。瘠音籍。統耽上聲冠。

後紘音宏纓之音延冕之音延內子卿之命

者大夫列士元庶士下以下也庶人社春祭

賦猶頌也烝冬績功辟音闢而爾也皆汝先人

謂穆伯文

伯之父

右敬身

衛莊公此章出春秋隱三年左傳東宮太子宮得臣太子名

娣音弟女弟之從嫁者莊公再娶媯音圭

莊戴皆謚也嬖音閉石碯音鵲衛義方順即六

邪即六重也音軫安貴賤以位少長以齒遠

小學釋文稽古大

近以地新舊以時小大以德淫義以道言

道義者劉康公成肅公此章出春秋成三年左傳

劉成二邑名康肅皆振音賢祭肉也動作

言以事禮義以理威儀以身定猶凝君子小

人以位敦篤篤實而養神謂奉守業謂務

膳音煩也衛侯在楚此章出春秋襄公三年左傳

襄公文子名佗北宮其姓也令尹楚上卿

安固衛詩邶風栢棣棣音第富而周詩大

既醉施用舍不用

右通論

小學

釋文 稽古

尤



Faint vertical text columns on the left side of the page, including characters like '文', '解', '讀', '甲', '舍', '不', '凡'.

小學釋文

外篇

嘉言第五

橫渠張先生

學古力行為關中士友宗師著東西二銘正蒙經學行世名

氏籍貫已詳義疏

○楊文公

七歲能文事君樸忠官學

茲不重出餘做此

○明道程先生

經術通明從講學者甚眾

錄稱良史

○伊川程先生

力學好古不樂仕進著易

宋仁宗朝進士官至御史

○關雎

周南國風詩之首篇

○陳忠

肅公

官司諫被竄台州何執中命台守石械真公以死公大呼曰今日豈奉制

小學

釋文嘉言

子

旨耶械曰朝廷命取尊堯錄耳公曰尊堯何得為罪君獨不畏公議耶械慚退可見

其立志高而善學古人矣

○馬援

少有大志立身正直不離墓所散事寡嫂不冠不入廬漢光武

朝討先零守隴西出塞漠平交趾卒于軍

龍伯高

名述京兆人

杜季良

名保鶩音木鳥名與鵠相似

漢昭烈

以英雄名世其言細謹如此人宜彊為善矣

○諸葛武

侯居草廬自比管樂好為梁父吟昭烈三顧乃見拜丞相封武侯六出祁山鞠躬盡瘁諡忠武子瞻以節艾入蜀

盡忠于綿竹可謂克遵父誨矣

○柳玘

切玘為御史大夫清直有父風昭宗欲以

為相宦官惡之久論于外歷任刺史操行

正直蔚有譽望述音蒙無頤音怡口旁

家訓以戒子孫

旁音恣漸染音思廝音思廝音思養音孽孽音孽釀音孽釀音孽○范魯

解音漸漸染音思廝音思廝音思養音孽孽音孽釀音孽釀音孽○范魯

公質陳橋之變時早朝未罷聞報范質執

噤不能對則歸命新朝質蓋有不得已者

其惴惴凜冰淵之惕僅為保身家計耳

從子兄之杲音稿名也後杲為史官修撰

知濠州然則大臣子弟相鼠鄘詩茅鴟音

可不恪守祖父之訓哉篇名茅鴟音

逸詩也左傳襄公二十有八年魯叔孫穆

子嘗使工誦之以譏齊慶封之不敬今亡

其辭金蘭契易曰二人同心其利斷金喻

矣堅如蘭喻其籛條音渠除龜戚施去聲

美兩心合曰契籛條音渠除龜戚施去聲

不能顛躓音至萎音穢○康節邵先生明深

仰音至萎音穢○康節邵先生明深

小學

釋文 嘉言

三

易理隱居耕稼出則乘小車惟意所適士

大夫識其車音爭相迎候生平未嘗談人

之過就問學則答之著皇蠟音突詭譎音突

極經世觀物內外篇等書蠟音突詭譎音突

讎音隙隙音逆隕音允猶音見書○節孝

徐先生少孤事母至孝母亡廬于墓雪夜

連理朝廷聞之願賜○胡文定公官給事

粟帛以耳聾不出仕

節取忌王安石廢春秋不列學官○直

日先聖傳心要典使人主不得聞學○直

得習亂倫滅理可乎乃潛心是經二十年

作春秋傳卒諡文定三子寅寅安俱能傳

其家三尺古者以三尺○古靈陳先生宋

學宗朝進士累遷判尚書都省論青苗法不

便乞貶王安石呂惠卿請罷韓絳政府以

杜大臣爭利而進者風節凜然

右廣立教

司馬溫公

仁宗朝登進士直言無隱仁宗不豫國嗣未立人莫敢言諫官范鎮

首發其議公為并州判官繼之疏三上帝感悟遂立英宗編資治通鑑因論新法忤時宰居洛十五年哲宗朝拜相罷青苗法遼人戒其邊吏曰中國相司馬矣毋生事

開邊隙卒諡文正 ○籍簿也 ○羅仲素 受業後祀孔子廟庭

絕意進取朱子謂龜山倡道東南游其門者甚眾然潛思力行任重詣遠惟仲素一

人學者稱底上音止 ○豺獮 音柴朱子豫章先生不敢禰音你

川之言不敢禰音你 ○駮 五駮切猝倉沒稱其名也

小學

釋文

嘉言

主

也 ○疏食 飯粗既虞卒哭 虞祭名既塋而虞

魂氣無所不之故三行虞祭以安之既虞則止日中無時之哭故云卒哭然猶朝夕

哭期音箕祥吉也小祥言稍變凶服也小也期周年祥哀殺故食菜果大祥漸從

吉故食醯音希中月開一禫徒感切祭名醯醬醯醋也中月開一禫大祥之後間

一月而禫禫者澹澹然平安醴音理酒一之意喪至此凡二十七月

乾 音干醴酒味薄乾肉味澹先飲漢昌邑

王 名賀武帝孫也昭帝崩無子迎立之晉道上不素食大將軍光廢為海昏侯

阮籍 陳留尉何曾字穎考文帝追尊為帝

宋廬陵王義真 宋南朝劉氏篡國之子湛宏號義真武帝裕之子

仁當作暝音職炙音職車螯音剽隋煬帝音

氏古暖字號音益溢音益同音益一音益鮫音益魚音益

場帝名廣音廣溢音益手音益握音益也音益鮫音益魚音益

蕞衣襪今音廣之音廣襪音廣裏音廣武穆王音廣馬音廣股音廣也音廣

雞臠音臠肉音臠羹音臠也音臠蒸音臠肫音臠與音臠蒸音臠五音臠代音臠

切面見恬音甜安音甜齋音齋持音齋也音齋啜音齋悅音齋輻音齋而音齋

人之貌音恬安音甜齋音齋持音齋也音齋啜音齋悅音齋輻音齋而音齋

本作嚙音嚙羸音雷憊音雷敗音雷羸音雷○樸音朴陋音陋隘音隘

喪次居喪之所音喪苦音喪失音喪廉音喪切音喪經音經在音經腰音經日音經帶音經撤音經

直列切陳壽音陳漢音漢後音漢主音漢時音漢巴音漢西音漢安音漢漢音漢人音漢後音漢壻音壻

可音可○春音春容音容切音容○顏氏音顏名音顏之音顏推音顏字音顏介音顏卿音顏琅音顏

十四世孫少以音孫器音孫局音孫稱音孫博音孫涉音孫羣音孫書音孫巫覡音孫

女巫覡符音符章音符書音符符音符拜音符

呂氏本中累音呂官音呂中音呂書音呂舍音呂人音呂兼音呂侍音呂講音呂性音呂清音呂約音呂

錄春秋解音錄童音錄蒙音錄訓音錄等音錄書音錄子音錄大音錄猷音錄大音錄同音錄孫音錄祖音錄

獻之傳○簿音簿縣音簿令音簿長音簿○媪音媪牙音媪婆音媪○猾音猾狡音猾猾音猾

餌音餌耳音餌貲音貲音音貲吝音貲不音貲貲音貲○捺音捺高音捺註音捺當音捺作音捺捺音捺

王吉明經舉音王賢音王良音王為音王昌音王邑音王王音王中音王尉音王王音王動音王作音王

注亂廢王音注臣音注俱音注正音注法音注惟音注吉音注與音注龔音注遂音注以音注敷音注諫音注

小學

釋文

嘉言

三

冠言其取
舍同也
○文中子
王通私諡兩
章俱出中說
虜音

媵音孕從
嫁者
○安定胡先生
中景祐初范仲
淹薦之以白衣對崇政殿仲淹經畧陝西

以保甯節度推官教授湖州從其門者數
百人遷國子監直講又遷天章

閣侍講仍治太學從游日眾
○孀音霜
婦人預政

○幹蠱音古幹猶主也
牝雞晨鳴
婦人預政

○江東大江遺贈以物
○鄴音業古恒代

皆燕趙間地名

三親夫婦父九族
高曾祖父
己身及子孫

弟姒音弟似長也
○柳開仲塗幼警悟開寶

小學釋文嘉言
殿中侍御史抗疏自請按邊禦契丹上以

為崇儀使知甯邊軍徙全州招撫叛夷皆
有政蹟著家誠干抵此猶言

之餘言刻石垂訓
○閭閻音巷

也門
○斯干小雅篇名詩經解相好而無

必然然意則善
音啜
○交承新舊官舉

矣故小學錄之
止也

將舉

范文正公
仕仁宗朝出將入相有社稷功

陽還見公曰曼卿喪嫁是急以麥與之猶

未足公曰何不連舟與之日已與之矣公

日善純仁哲宗朝賢相諡忠宣父子敦本

濟人宜其兩世黃扉也讀文正公告諸子
之訓上承祖先下爨音釐
早世歿若曹輩

恩例數異俸賜典義田宅范氏義莊八日食米一升歲衣練一

匹嫁娶喪禮先王國法所立御也家眾婢

輩皆有給庖廩掌事如治耕織給吉凶婚

喪祭品節言其均一言其穴戎上聲俗

音盈不虞謂不可意度如

剽也水旱盜賊之類

董仲舒少治春秋下帷發憤三年不窺園武

儒俾世之學者知尊孔氏作春秋繁露為

江都稍事易王易王帝兄素驕好勇仲舒

句踐與大夫泄庸種蠡謀伐吳遂滅之孔

子稱殷有三仁寡人亦以為越有三仁對

曰設詐以伐吳越本無一仁夫仁人者云

云是以仲尼之門五尺之童羞稱謹同義

五霸為其先詐力而後仁義也

之裁制是就道是就大綱說○孫思邈七

一事上說及長通陰陽推步醫學隱于太

日誦千言帝徵之不就唐太宗召始詣京

師欲官之不受竟稱疾入峩眉山○古語

百餘歲一日沐浴衣冠端坐而歿

此國語善天命所賦惡物欲所生○孝友

之言也善之本然惡之邪穢

先生朱仁軌先生隱居養親按察使趙承

于魏知古諡恩表其異及卒郭山輝員半

為孝友先生○濂溪周先生簿有獄久主

決一訊立辨部使者薦調南安司理參軍

有囚法不當死轉運使欲深治之先生獨

釋文嘉言

三

三

三

三

三

三

三

與之辯曰殺人以媚人吾不為也將棄官
去囚乃得免徙知南昌南昌人皆曰是能
辨分甯獄者吾屬得所訴矣轉廣東判官
提點刑獄以洗冤澤物為己任以疾求知
南康軍因家廬山著太
極圖易說易通行于世
○聖人之道仁義
德行積於中道
事業發於外道
約猶收

○腔音羗○整齊嚴肅如正衣冠尊瞻視之類辟音僻○

表記禮記規所以為矩所以為方之器○外物奉

身如飲食衣服○克己復禮克勝也已謂

復反也禮天非禮己之勿禁止秉彜得於

理正矧也况音但誕音誕忤音誤思動於為動於○

小學

釋文 嘉言

美

席猶藉也○一致猶言范忠宣公相哲宗以

意以忠厚作士風嘗自言曰忠恕二字一

生受用不盡親族有請教者曰惟儉可以

助廉惟恕可以成德君子以為格言家居

時章惇語之遠謫家人怨惇在路置之一

日渡河波與浪猛舉家驚惶良久始濟公

徐謂家人曰此豈章惇所為乎其待人以

恕如此卒年恕己朱子曰恕是推去的於

潤其語當曰以愛己之心愛人
呂榮公希哲宋東萊人封榮陽郡辭令出
口容止見諸○歉陳註作慊○大要猶言
○張思叔家世甚微年長未知學傭力於

得此人曰此讀書所致耳心慕之即發憤
力學遂以文名伊川自涪還繹往受業稱
其穎悟嘗曰吾晚得二
士謂思叔與尹焯也

一切世味如飲食衣服淡薄謂食取充腹
居室之類淡薄衣取蔽形居

室取蔽也富貴相驕者切尺方丈前者方一
風雨也猶奮南陽地名聞達顯達也先主

丈激昂發也南陽地名聞達顯達也先主

漢昭烈帝嘗三顧宰割分制三分天下謂
武侯於草廬之中原孫權都猶居握掌成

烈居蜀曹操居中原孫權都猶居握掌成

居江南分天下為三國也都猶居握掌成

都郡頃畝調度猶言○范益謙紹聖中進
士幼時嘗佐司馬公作資治通鑑高宗時

為宗正少卿直史館祖禹嘗修神宗實錄

小學

釋文 嘉言

宅

盡書王安石之過為蔡卞所惡謫死嶺表

至是命冲重修神哲兩朝實錄冲乃為神

宗考異明示去取舊文以墨書刪去者以

黃書新修者以朱書世號朱墨史又為哲

宗辨誣錄由是二史得其正而姦臣
情狀益著矣累官翰林侍讀學士
狎評音覓音密干索音色詆音底

也評音覓音密干索音色詆音底
胡子優游衡山下二十年餘紹興中上書

數千言初以蔭補承務郎不調秦檜召以

疾辭所著有知言皇王大紀八十卷學者

稱爲五○開心精明目遠利猶便
峯先生○開心精明目遠利猶便
音軟瞿音句自恪音吝音期音邨音赧然
美肉瞿失貌恪音吝音期音邨音赧然
板切慙而悍音黜己退抑也茶音涅沮

面赤之貌悍音黜己退抑也茶音涅沮

怯懦怯軟音答音答鳴臬惡鳥○甚生氣

質謂愚者明柔者強○輩猶言爾輩也

○經書聖人子書賢人之書史書紀事之書○浹洽

音接匣水潤周徧借○鹵莽音草積曰鹵

以言心理相涵之妙○鹵莽音草積曰鹵

皆粗率○百行大而忠君孝親小而濟陽

縣江祿字彥竟也卷音捲狼藉音寂狼藉草

亂故物之散○小者近者進退之節大者

遠者明德新○異端非聖人之道而別為

也昔之害謂楊墨今之害謂佛倫理謂父子

小學釋文嘉言天

婦長幼朋友之倫有淺陋固滯如刑名術

親義別序信之理也兼楊墨老佛正路喻

誦詞章之邪誕妖妄諸家而言

習皆是道蔡草盛蕪荒闕也

右廣敬身

善行第六

呂榮公少從孫復石介胡瑗學後從二程張

入官王安石以公有賢名欲用為講官公

辭曰辱相公知久萬一從事不免異同則

疇昔相與之意盡矣元祐中為崇政簡重

殿說書勸導人主以正心誠意為本簡重

簡樸寡默省事規矩法而行如下文所言

厚重寡默慎言

是甫也始大縛音繁繞也謂以肆市鬻歐

陽公名修字永叔諡文忠于之生名伯強也德器成

日德才○張待制諱盥音溫之諱即名也生

成曰器○張待制諱盥音溫之諱即名也生

盥之州人祥符中進士知溫州遷天章閣待制

○陽城性孝友書無不讀及第進士隱中

贊以裴延齡諧坐貶城牽拾遺王仲舒等

守延英門上疏論延齡奸佞贊等無罪

大怒欲加重罪太子營救得解○胡瑗音願

改國子司業又左遷道州刺史○胡瑗音願

初以白衣見天子論樂拜祕書省校書郎

後以保甯軍節度推官遂居湖學皇祐四

年居太學賜緋衣銀魚嘉祐初以太常博士致仕

士致仕歸之日太學諸生與朝廷賢士大

小學

釋文 善行

元

夫送之東門執弟子條約教條悵悵口狠

禮路人嗟嘆以為榮條約束悵悵切誠

至刮音括磨刮音附○明道先生經

貌為諸儒倡初為縣令民以事至縣者必

告以孝悌忠信度鄉村遠近為伍保使之

力役相助患難相恤凡孤殘廢者責之

親戚鄉黨使無失所鄉必有校擇子弟之

秀者聚而教之如父母呂公著薦為御

居官三年民愛之如父母呂公著薦為御

史帝召見前後進說甚多大要以正心室

懇求賢育才為言務以誠意感悟人主

勸帝防未萌之欲及勿輕風上所

下士帝俯躬曰當為卿戒之風上所

習賢有德才有能禮命謂隆禮延聘謂以

延致敦遣謂令有司厚禮誘掖使有激勵

使無漸磨漸音尖侯其自○看詳猶審

子全切謂解居隘切額也行檢行謹待賓

齋可賓敬者吏師齋以待通於治道觀光

法謂觀見國之盛德光輝○藍田呂氏為

中望族長大中以寶文閣直學士知渭同

二州致仕次大防翰林學士拜左僕射次

大鈞仕終陝西轉運從事次大臨仕終祕

書正字平生以聖門事業為己任所著有

克己銘○循循有序聖人所以為萬世師

諸篇○循循有序者惟循循善誘程子

遵之故舉以闕音窺猶

終立教之義闕音窺猶

右實立教

小學

釋文 善行

辛

江革

其孝耳至于天子徵聘賜膠存問天之

酬厚也數音朔願款願音願下邳今邳裸

何果切蘇典切行傭音庸為便身之物

謂母身所給猶足也薛包安帝徵拜侍中

包性恬虛稱疾不起帝加禮如毛義賜米

千石歲以八月長吏問起居賜牛酒年八

十餘以荒田畝頓廬舍○王祥履變而能

雀飛此謂牛下音莫帷丹紅柰果○

王哀蒲侯切哀母畏雷後雷震哀即造

炎即帝位徵之不就此哀叔母炎之姑炎托

姑召哀哀方至而炎來哀逃匿不肯出見

炎曰卿何乃爾哀泣曰臣愧不能漆身東

吞炭何忍與陛下相見也帝歛歔而去

關地微朝延辟音壁郡哀哀父母生我劬

勞詩之辭○王延繼母卜氏盛冬求魚

有魚躍出以進卜氏色養以和悅之顏○

亦賢撫延如己生○色養以和悅之顏○

柳玘曰此見柳○黔婁稽起額北辰拜辰

求代於理亦有是朱子曰禱是正理○

自合有應不可謂知其無是而勿為也○

何子平事母至孝揚州辟從事吏月俸得

何不憚煩子平日尊老在東不辦得米何

心獨饗白粲每有贈餽果若不可寄至家

則不肯受及母喪子平頓絕哀頓而蘇猶

年將六十有孺子之慕頓絕氣絕也蘇醒

小學

釋文善行

三

也大明劉宋武帝袒括初露臂括括髮入矜

憫其賞嘉其○朱壽昌父名巽為雍州太

苦閩州廣熙甯宋神宗秦即雍州河中府

德二守○浮屠佛音洛水名

今蒲州也○浮屠佛音洛水名

近同州○浮屠佛音洛水名

霍光驃騎將軍去病之弟去病死光為奉

可任大事乃使黃門畫周公負成王朝諸

侯圖以賜光受遺詔輔少主昭帝有社稷

功圖形沉靜不浮詳審不粗郎僕射皆官

主也古者重射故有是○汲黯為東海太

官關中語轉射為夜○汲黯守擇丞史

任之責大指不細苛歲餘東海大治張湯

以更定律令為廷尉黯於上前詰責之又

面觸公孫宏等上以宏言從黯為內史匈奴
亡錢從民貫馬不具上怒欲斬長安令
黯曰長安令無罪獨斬臣黯民乃肯出馬
且匈奴叛其主而降漢徐以縣次傳之何
至令天下騷動罷中國甘心戒狄之人平
上默然後召拜淮陽太子洗馬官名洗之
太守居十年而卒

子出則主爵都尉名蚡音忿中二千石謂九

官歲俸滿云云猶言如此黷音撞數責瘡通

二千石者此如此瘡當作踰謂過人也

愈病嚴助為侍中瘡與上作愈字解者

不賁育孟賁夏育皆青衛侍中侍於踞音

同賁育古之有力者青衛侍中禁中踞音

蹲廁初此則節取其事而失刪也

坐廁初此則節取其事而失刪也

魏元魏太武高允少有奇度既長博通經

出入尚書中書祕書三省五十餘年未嘗

有譴雖寵貴家貧自如武帝嘗幸其第惟

草屋數間布被縑袍厨中鹽菜而已帝曰

古人清貧豈有此耶如光祿大夫允仁恕

簡靜執書吟覽晝夜不釋手誨人以善恂

恂不倦篤念親故無所遺棄又隨其才行

薦之帷幄寵臣侍帷幄受寵總裁綱其大

于朝正著事紀述纂言昔也音向猶乞也音蓋讓責再造

小學 釋文 善行 三

猶言李君行先生性孝丁父憂終喪足
中進士歷官蘄州三子連中進士李朴仕
至待制贈君行開府儀同然則尚志安命
者何嘗不虔音乾崔元暉音偉為天官侍
榮貴乎音乾

請謁執政惡之改文昌左丞月餘太后謂
元暉曰自卿改官以來聞令史設齋自慶
此盛為姦貪耳今還卿舊任復拜天官侍
郎賜綵七十段後與張柬之等四人起兵
誅張易之昌宗立比近親表姓外劉器

中宗反周為唐字思正以資政殿學士知
之敬身張觀相州徙澶州河壞百姓大

恐或請移北原以避水患觀曰太守若去
如州民何乃躬率徒卒塞之堤完水亦尋

止持身廉白仁宗嘗飛白賢前輩稱緩從
書清字賜之以賞其節

不迫非官守處歷官居守賢後生也緩容

迂緩也

漢陳孝婦陳州戍守邊也屬竹紡車績以

織以經以淮陽屬再貢兗州復除其家

小學

釋文善行

三

鮑宣漢哀帝時任諫大夫累上書極諫帝

相孔光行園陵官屬以令行馳道中宣出

逢之使吏鈞止沒入其車馬擢辱宰相事

下御史中丞因宣拒閉使者坐大不敬太

學王咸等千餘人舉幡救之乃出光髡針

之王莽秉政陰有篡國之心宣及何武等

皆論死宣子承事光武官至魯郡太守承

子昱嘗從容問祖母少君曰太夫人甯復

議挽鹿車時否少君曰先人有言安不忘

危吾安賄音悔挽音晚引鹿車小車可容

曹爽魏宗從弟同祖譙郡今歸夏侯復文

甯名闕音缺也畧涉猶言鼓譟鼓舞呼

唐奉天即今西安永泰代宗剽劫也京

兆尹

京師表率之官第五姓琦名鐔音捐

繆彤

音木容仕至中搗職瓜切蘇瓊北

齊性

清諱不通餽餉有郡先達趙穎獻園

瓜勉

留之置梁上不剖食人間受穎瓜競

猶在

梁上相顧而去王祥弟覽祥累官

爵為

公年八十五祥有異人授一寶刀曰

佩之

當世為三公祥以授覽曰汝後必昌

覽累

官至光祿卿迨其孫王導遂相元帝

立國

江左子孫衣冠蟬聯不替可為孝子

弟法

○鄧攸攸逃難過泗水棄子及暮子

妻不

復孕史傳謂棄子存姪可也繫之于

樹豈

慈父之心無子宜矣朱子載于小學

刪去

此語咸甯晉武帝庚亥明穆皇后

便見

中道釋文善行年號從父耕稼

小學

釋文善行

音

以養父母閑則作首為業意甚安之疫癘

固辭徵辟州郡察舉孝廉皆不就

音疫利父老鄉之高揚播仕元魏為平

皆瘟疾父老年者揚播東將軍晉華

陰伯子侃襲爵弟椿官司徒津官司空一

門四郡太守三十二州刺史居華陰者為

西族居洛假寢本傳作寐謂不台鼎三公

者為東族脫衣冠而寢也

如星之有三台鼎之有三足也椿音竄

為司徒津為司空故曰並登台鼎總昧

之服同炊爨四牛宏任周歷內史大夫

世不分異也

官光祿李勣音迹貞觀初為并州都督

大夫太宗曰隋煬帝勞百姓築長城以蔽突厥

卒無所益朕惟留李世勣于晉陽而邊塵

不驚其為長城豈不壯哉有疾為之剪

鬚和藥高宗即位拜中書門下三品

伯康名拊音○晁音潮因交以道自少激晁

登進士蘇子瞻以其文章典麗可備姑父

著述薦于朝後與陳叔夜同隱嵩山姑父

妹尊姑祖之父黨交遊父之友稱姓稱行

道也謙厚之

包孝肅公天禧五年進士以親老侍養不

剛毅不以詞色假人嘗遣戒子孫曰吾後

人仕宦有犯賊者不得放歸本家死不得

入大塋中及知開封貴戚宦官為之斂述

吏民不敢欺童稚婦女亦知其名呼曰包包

龍圖京師為之語曰關節不到有閻羅包

老為御史中丞危言鯁論烈如秋霜七十

五卒于官

小學

釋文善行

石奮漢高祖時奮為中涓受書謁積功勞

此為太子太傅元朔五年卒子建哭泣哀

思杖而後行歲餘亦死諸子咸孝講慶為

太僕御出上問車中幾馬慶以策數馬異

舉手曰六馬慶於兄弟中最為簡易猶如

封牧邱侯相歸老而謂讓責之言訴音

和悅郎中令內史皆官恙音樣中音裙音

厠音噎音浣音滌音固音當音乃謝音

羣罷慶怨慶○疏音廣音居音授音明音春音秋音家

方至徵為博士地節二年為皇太子太傅

將舜監護太子家上以太子少使其弟中郎

儲副君師友必于天下英俊不宜獨親外

家且自有太傅少傳官屬已備今復使舜
護太子家示陋非所以廣太子德於天下
也上善其上疏去骸音趣促說音僂○龐

公居峴山之南與司馬德操為友○陶淵

明少懷高尚為彭澤令郡遣督郵至吏白

腰向鄉里小兒賦歸去來辭解印綬去夏

日高卧北窗自謂羲皇上人年六十三而

卒號靖○崔孝芬道行臺弟孝暉為趙郡

太守自惠政叔振少好學居家孝暉為魏以

謹勅為孝文所知官尚書左丞一門孝謹

子孫歷魏齊周○王凝文中之弟以其

隋簪纓不絕○北齊北朝高麟德唐高

名曰慄音栗嚴○北齊北朝高麟德唐高

中說慄音栗嚴○北齊北朝高麟德唐高

號○韓文公少孤隨兄官嶺表兄卒愈

貞元八年擢進士累遷監察御史上疏論

宮闈又下遷乃作進學解以自喻執政奇

其才改比部郎中遷刑部侍郎上疏論佛

骨表上怒貶潮州刺史帝頗感悔後乃召

拜國子祭酒鎮州亂殺田宏正而立王廷

湊詔愈宣撫既行眾皆危之愈至大聲論

以理亂順逆之道一軍懾服董生安豐人

歸奏帝大悅轉吏部侍郎董生安豐人

書隱居不仕聞行類桐栢山在南陽淝水

事親以孝聞類桐栢山在南陽淝水

肥在盧州天翁猶言哺步彷徨音旁皇

府合肥縣天翁猶言哺步彷徨音旁皇

躅音躅○柳公綽性孝友初補校書郎

吹元和中為鄂岳觀察使詔以兵五千授

安州刺史李聽使討吳元濟公綽曰朝廷

小學

釋文善行

美

以吾書生不知兵耶即奏請自行身披甲
跨馬激颺將士斬所騎馬以祭蹠死之卒
十一年為京兆尹初赴府有神策小將躍
馬橫衝前導公綽駐馬杖殺之上怒詰其
專殺對曰京兆為輦轂師表今視事之初
小將敢爾唐突此乃輕陛下法非獨慢臣
也上曰何不奏對曰臣職當杖之不當奏
嘗按事鄧縣有二吏一犯賊一犯舞文眾
擬必殺犯賊者公綽判曰賊吏犯法法在
奸吏亂法法亡竟誅舞文者後遷左僕射
諡曰郢音穎姪兄弟發音離無奩音廉額胡
元文絹色相國之稱搢紳搢笏范猶
切文文絹色相國之稱搢紳搢笏范猶
法竹兜子兜斗平聲○江州今九陳氏南
式都王之後家世孝義相傳歷○國朝溫
隋唐五季以至趙宋子姓益繁○國朝溫
小學釋文善行

右實明倫

第五倫為會稽太守躬斬芻蕘馬妻執炊爨
貧者按論巫祝禁絕淫祀百姓以安後坐
法徵老少號呼相隨上書者千餘人得免
所薦謝夷吾諸名○劉寬嘗出行有人失
士當時號得人○劉寬嘗出行有人失
認之寬無言解牛與之步歸有頃認者得
牛而送還叩頭謝罪寬曰物有相類事容
脫誤幸勞見歸何為謝之所歷州郡溫仁
多恕吏民有過但用蒲鞭示辱而已桓帝
時政多有闕嘗引見講經寬子座被酒睡
伏帝問太尉醉耶寬仰對曰臣不敢醉但

小學

自稱宋宗諤字昌武叻第三子七歲能文
朝也風流儒雅內行惇至事繼
母以孝聞與弟宗諱友愛

自稱宋宗諤字昌武叻第三子七歲能文
朝也風流儒雅內行惇至事繼
母以孝聞與弟宗諱友愛

自稱宋宗諤字昌武叻第三子七歲能文
朝也風流儒雅內行惇至事繼
母以孝聞與弟宗諱友愛

自稱宋宗諤字昌武叻第三子七歲能文
朝也風流儒雅內行惇至事繼
母以孝聞與弟宗諱友愛

自稱宋宗諤字昌武叻第三子七歲能文
朝也風流儒雅內行惇至事繼
母以孝聞與弟宗諱友愛

自稱宋宗諤字昌武叻第三子七歲能文
朝也風流儒雅內行惇至事繼
母以孝聞與弟宗諱友愛

自稱宋宗諤字昌武叻第三子七歲能文
朝也風流儒雅內行惇至事繼
母以孝聞與弟宗諱友愛

自稱宋宗諤字昌武叻第三子七歲能文
朝也風流儒雅內行惇至事繼
母以孝聞與弟宗諱友愛

自稱宋宗諤字昌武叻第三子七歲能文
朝也風流儒雅內行惇至事繼
母以孝聞與弟宗諱友愛

任大責重憂心首惠裝嚴謂裝著○張

如醉帝終不悟恚怒也裝嚴謂裝著○張

湛建武初為左馮翊後拜光祿勳光武臨

見且復諫矣儀表猶言建武漢光武馬

翊音平寺門平陵官府明府古稱太守駮

猶言神○楊震明經博覽無不窮究諸儒

有鶴鵲銜三鱸飛集講堂前弟子賀曰鱸

升矣大夫服象也數三公也先生自此

後世稱疏食步行或勸其開產業震曰使

乎粟官至太尉數上書直言為宦官樊豐

等譖死子立孫賜曾孫彪○夷踞蹲坐危

坐以尻著蹠郭林宗能知人獎翼士類時

願之首如識左原于犯法按孟敏于破甌

鑿庖乘于給事懸庭而為儒林博學決黃

允以儻才知名而憂其守道不篤所賞鑒

數十人皆成名于世林宗雖為人所嫉陳蕃

而武為閩人所害林宗哭之於野而嘆曰

人之屋明年卒邦國珍瘵瞻烏爰止不知于誰

千餘○陶侃少孤力學依母教成名拜征

有匡復之功謝安每言陶

公雖用法恒得法外意

蒲擣蒲博局戲皆擣音

沛王召署府修撰作鬪雞

斥之父福交吐合勃往省

炯舉神童遷盈川令武后

典籤王愛重之謂人曰此

武后時著五悲文以自明

寶王忠義之氣耿耿在人

之竟不得或云落髮為僧

舉之問聯吟被誅者非是

云裴行儉通陰陽歷術每

部侍郎前進士王劇咸陽

知名行儉一見謂之曰君

銓衡後劇味道皆與選如

行儉言因討突厥功拜相

公綽居外藩後生矜傲之

茂禮法故公綽教柳仲郢

子事事奪其傲氣帑音倚

以爲貫除也帑藏名所以

網紀貫除也帑藏名所以

寶氏女誑女嫁球音賈

也泱旬泱音接周遘音迨

暨音闕

王勃六歲善文

海溺死高宗怒

盧照鄰調鄧

相如也駱

下詔索

與宋

必義其

初爲吏

皆未

皆未

皆未

皆未

皆未

皆未

皆未

皆未

皆未

皆未

皆未

皆未

皆未

皆未

小學

釋文善行

完

為社稷音○范文正公先憂後樂此語見

岳陽樓記中先天下憂者持安于既泰也

管甯初與邴原王烈等俱避難遼東依公

之歸日盡封還幼與華歆同讀書一日共

鋤園見地下有遺金一錠甯揮鋤不顧歆

拾觀而棄之甯惡其居心不淨遂割席分

坐後歆佐曹丕篡位甯終身不仕君子小

人於鋤地股音○呂正獻公講學公在翰

論及釋老公曰堯舜知此道乎帝曰堯舜

豈不知公曰堯舜雖知此而惟以知人安

民為難所以為堯舜帝默然公居政府與

溫公同心輔政凡新法罷之俱盡民謹呼

鼓○明道先生如泥塑素音人劉安禮曰先

粹和之氣益于面背樂易多恕終日怡悅

立之從先生學十年未嘗見其有忿厲之

容○劉忠定公名安世元城人僕狀魁碩

不阿累廷諍或觸帝盛怒則執簡卻立伺

怒稍解復前抗辭旁侍者遠觀蓄縮揮汗

咸目之曰殿上虎為章惇蔡京所忌連遭

貶竄極惡遠地無不經歷宣和七年卒年

七十八平生不作草書不愛聲色貨利其

忠厚正直皆取則于司馬光嘗曰温公言

平生只是一箇誠字更撲不破只有一個
誠縱橫妙用無處不通以此杜門終日其
樂無窮蘇東坡嘗論元○劉公見賓客子
祐人物曰器之真鐵漢○劉公見賓客子
曰元成每與人相見終日不甚交談欲起
屢留之然終不交談或問之答曰人坐久
則傾側久坐而不傾欵音竦音○徐積仲
側必貴重有德人也

小學

釋文 善行

罕

車父早卒盡孝於母

文中子之服自南北朝以來釋老之徒泛濫天下而文中子獨能誦法

孔子言言切用遠過注疏家隋末不仕教授河汾房杜雖往來于門要其規模不敢

望而及也觀于此章而絜潔同不長物長音

知法服法言之梗槩矣絜垢汚也長物音

夫剩也謂儉潔之外黃白麻絲自青碧造

無可增飾言其貧也黃白然之色青碧音

使然之色速也召羹肉音忤齧音核猶荀匏音僕庖

○李文靖公童時已具公輔器舉進士科判吏銓部真宗問治道所宜

先沈日不用浮薄新進喜事之人此最為先沈日取四方水旱盜賊及不孝惡逆之

事奏聞上為之慘然不悅王旦以為細事不足煩上聽沈曰人主少年當使知四方

艱難不然血氣方剛不留意聲色犬馬則土木甲兵禱祠之事作矣吾老不及見此

參政他日之憂也沈歿真宗以契丹既和

西夏納欵遂封佖祀汾大營宮觀靡有暇日旦嘆曰李文靖真聖人也堂前藥欄壞

弟維及戚屬勸治第沈曰人生朝暮不可保巢林一枝聊足棲息安事豐屋為平居

接賓客寡言笑時人以為無口匏其自奉甚薄後遇疾沐廳事廳以治事太祝奉禮

浴衣冠而逝皆世○張文節公舉進士累官龍圖閣待

官引唐李嶠議請選臺閣分典藩郡仍自請補外真宗不許固請之乃知青州及為

相慎名器抑微俸每以盛滿○温公曰先為戒雖貴顯清約如寒士

小學

釋文

皇

公爲羣牧判官

溫公父名池舉進士第授永甯主簿出入乘驢嘗以

公事謁令令南嚮踞坐不起池挽令西向

偶坐與語不少屈自是歷郡邑治多有聲

累官當知諫院上表懇辭仁宗謂宰相曰

人皆嗜進而池獨嗜退耶已度支報滿中

書進名帝曰是

固辭諫官者

言蓋其清儉自持根

于本性之自然也

聞喜宴

進士

咬得

菜根

咬本作蔽此非喻也葉潛夫曰瓜芸

載于月令葵菽咏于爾風皆菜屬也

咬菜根之人其志潔其行廉其治心澹泊

其處世貞介立天下之大節而能辨天下

之大事者也故康

侯擊節稱賞焉

右實敬身

小學

釋文

善行

星

嘉也賦性愚魯篤信儒者之學務得未

能貪多詳于義理畧于訓詁而覃溪太

史以爲啟蒙須先識字不可不加研究

爰與鍾孝廉奎炎博徵經史證明字典

兼取李恕谷小學稽業諸書並欲見之

行習編次二卷務期嘉惠來學不迷於

所往云爾

丁巳四月癸未鍾秀

校後



重刻尹氏小學大全跋

在昔帝舜命契曰女作司徒敬敷五教蓋人之所以爲人者五倫而已惟聖人爲能盡之而在凡人莫不有所親所尊以自別於禽獸聖人於是乎立禮教使人於君臣父子夫婦長幼朋友之間歡然有恩以相愛粲然有文以相接夫恩者發於心者也文者見於容者也記中庸篇曰天下之達道五所以行之者三五者五品之人倫三者知仁勇三達德也

小學

一

冠義篇曰容體正顏色齊辭令順而后禮義備以正君臣親父子和長幼豈非發乎心見乎容者皆所以行乎五倫間哉有宋朱子作小學一書將紹聖王以立教注重於明倫而繼之以敬身蓋與中庸冠義篇所云後先一揆者也爲之解者明有陳氏選吳氏訥

國朝有高氏愈張氏伯行此四家者卓卓在人耳目間矣後有尹氏嘉銓著義疏別或問後編攷證釋文總名曰小學大全刊於乾隆

中年惟義疏板存江蘇書局其餘傳世甚鮮
光緒昭陽大荒落族弟子明茂才獲是書於
武昌外兄趙仲鶴都事見而喜之付諸剞劂
以屠維大淵獻之春告成嘗曰世風不古若
矣願讀是書者有以轉移之此予刻是書之
志也伏念

崇陵中年宵旰憂勤

詔天下立學校顧

上以誠求而下不以誠應小學雖林立而所

小學

二

以爲教者率與是書相反何哉世衰道微大
經不正利欲紛拏異言喧騰故也嗚呼悲夫
刊成後流傳猶未廣越十有八年石埭陳劭
吾觀察馳書請印行都事重爲校訂囑錫恭
爲之跋謹按孟子有云人倫明於上小民親
於下又云經正則庶民興庶民興斯無邪慝
矣使是書果得廣傳使人人知三綱五倫而
敬其身以行之將見人倫旣明大經自正庶
民自興而邪慝之說庶乎其可以少息也錫

恭其何敢以不文辭遂書此以復之
宣統九年春王三月乙巳婁張錫恭謹識

小學

三



宣統九年春王三月乙巳婁張錫恭謹識
上海老北門內穿心街中文藝齋刻印所承印

